



Die tyd het aangebreek! Eersdaags het ek die status van emerituspredikant

Jaap Steyn skryf aangrypend in sy outobiografie: *Die jare kom en gaan en kom en gaan, en kom en gaan en kom. Die jare kom en gaan en kom en gaan en die lewe gaan maar aan. Hoe waar is hierdie woorde nie? Die lewe gaan maar aan en al te gou breek jou datum van emeritaataanvaarding aan. Dit het altyd so ver gevoel – 'n eendag-ver-in-die toekoms-gebeure het my nou uit die niet hier aan die einde van 2025 bespring.*

Op 31 Desember 2025 lê ek finaal die tuig neer na vier en 'n half jaar in Gemeente Wesmoot Pretoria, elf en 'n half jaar in Gemeente Welgelegen-Pietersburg, elf jaar in Gemeente Klerksdorp-Doringkruin en elf jaar as Hoof van die Hervormde Teologiese Kollege (HTK). Interessant dat die syfer elf op 'n manier herhaal. Ek en my vrou, Esbè, woon in eenheid 11 van ons kompleks. Numeroloë sal hieroor dalk veel te sê hê, maar vir my is dit gewoon iets wat toevallig so is.

Ek verwonder my dikwels oor my roeping as predikant. Ek voel my nader aan 'n Paulus wat na homself as 'n *ontydige geborene* (1 Kor 15: 8-9, AFR83) verwys. Een van die kosbaarste gebeure in my bedieningstyd bly my voortdurend by en ek het dit al aan soveel omstanders vertel. In een van my gemeentes was daar 'n jong dame in haar twintigerjare wat 'n bepaalde sindroom onder lede gehad het en haar met beperkte verstandelike vermoëns gelaat het. Tog het 'n toegewyde moeder daarin geslaag om haar vroeg reeds te leer lees en skryf al was die woorde meestal in 'n fonetiese skryfwyse. Die Kerk en gemeente was haar alles en sy het by elke geleentheid opgedaag en voluit deelgeneem. Sy het ook al die predikante, my inkluis *pa* genoem. By haar *pa* se werk waar sy sekere takies verrig het, het sy heeldag *kerk* gepraat. Een van die werknemers het gereeld haar siel daaroor uitgetrek en op 'n dag kry ek 'n SMS met die volgende woorde: *Pa Jounie (Joanie) sê ons kerk is vatap verby en sy sê pa is net so vatap.*

Nou ja, daar het jy dit. 'n Kinderlike en raak beskrywing van my en iets wat ek van daardie dag af gereeld met deernis koester. Net wanneer ek dink ek is iets en iemand, iets wat nogal maklik met dominees kan gebeur, kom red die kinderlike-SMS-woorde my van hoogmoed en eiweaan. Veral die jare op die Kommissie van die AKV, die twee termynne as voorsitter, en die elf jaar as Hoof: HTK het my voortdurend getemper om nederig afhanklik my krag en leiding in God Drie-enig te vind.

Is die NHKA ... verby? Hoegenaamd nie. Daar is wel uitdagings wat ons met 'n oortuigende en kragdadige geloof die hoof kan bied. Daarvan is genoeg voorbeelde. Ons word geroep om verby 'n somber tydsgees te kyk en blymoedig in die voetspore van Jesus te volg.

Dr André Ungerer
(Uittredende Hoof: Hervormde Teologiese Kollege)


Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan taal@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Lief en leed




Ds Aniena en mnr
Jannes Jansen van
Rensburg



Dr Deon du Toit



Dr Wouter van Wyk



Prop Helga du Plessis



Ds Hennie Nel

- **Mej Sanet du Plessis** (Taalversorger/Produksiebestuurder) se eerste drie maande van chemoterapie het Maandag begin. Sy versorg steeds die inhoud van *Blitspos* en nuus kan aan haar gestuur word by taal@nhk.co.za vir plasing.
- Die Kommissie vir die Algemene Kerkvergadering het van die volgende lief en leed tydens hul onlangse vergadering verneem:
 - **Ds A (Aniena) en mnr Jannes Jansen van Rensburg** (Leeudoringstad) het 'n seuntjie ryker geword.
 - **Mnr Wouter van der Merwe** van die Sinodale Dienssentrum **se ma** is oorlede.
 - Die vergadering vra voorbidding vir **dr JHL (Jan) Truter** (emeritus/Letsitele) **se seun** wat ernstig siek is.
 - **Dr DJ (Deon) du Toit** (Pierneef/dosent) berig dat die spesialis wat hom na sy ernstige siekte ondersoek het, bevestig het dat dit nou weer goed met sy gesondheid gaan.
 - **Ds CEC (Colin) Hertzog** (Middelburg-Noord) **se dogter** verwag haar eersteling in Mei 2026.
 - **Dr WC (Wouter) van Wyk** is verkies tot die Uitvoerende Komitee van die Wêreldgemeenskap van Gereformeerde Kerke.
 - **Prof J (Jaco) Beyers** (Dosent/Centurion-Oos) **se broer** is oorlede.
- **Die volgende predikante verjaar tot 21 November, en word hartlik geluk gewens:**
 - Donderdag 13 November: Ds IL (Innes) Benadé (emeritus/Oudtshoorn)
 - Vrydag 14 November: Ds NJS (Nicolaas) Steenekamp (Middelburg)
 - Saterdag 15 November: Dr JG (Hannes) Janse van Rensburg (Zuurfontein), en ds PJO (Pieter) Pretorius (emeritus)
 - Sondag 16 November: Ds CH (Casper) du Plessis (emeritus)
 - Donderdag 20 November: Prof J (Johan) Buitendag (emeritus), en ds CJA (Cornie) Pieterse (emeritus)

Gemeentes en bediening

- **Prop H (Helga) du Plessis** (beroepafwagting) het die beroep na Gemeente Sionspoort (deeltyds) aanvaar. Sy word op 23 November 2025 georden.
- **Ds HSK (Hennie) Nel** (emeritus) het die beroep na Gemeente Potgietersrus (deeltyds) aanvaar.
- Neem asseblief kennis dat **dr André Ungerer** se e-posadres verander na: andre@nhk.co.za.
- Gemeente Pretoria-Oos nooi u uit om **dr André Ungerer** se jare van toegewyde diens en **emeritaataanvaarding** saam met hom op **16 November om 09:00** te vier. Dr Ungerer het op 28 Februarie 2025 emeritaat as predikant aanvaar en aanvaar op 31 Desember 2025 emeritaat as hoof van die Hervormde Teologiese Kollege (HTK). Hy was sedert 2015 aan die stuur van die HTK. Kom geniet 'n koppie koffie en gesellige saamwees na afloop van die diens.

Werkgeleenthede

- **NHK Gemeente Wapadrant** Pretoria beskik oor 'n vakante bedieningsruimte wat nie aan 'n ouderdomsprofiel gekoppel is nie. Enige proponent of predikant is welkom om aansoek te doen. **Kontak die kerkkantoor by: kantoor@diekerk.com vir meer besonderhede.**

Posinligting

- Vergoeding is onderhandelbaar
- Alle aansoeke moet vergesel wees van 'n volledige CV, 'n persoonlike profiel asook 'n videogreep van nie langer as 4 minute waar die kandidaat hom/haarself aan die Kerkraad bekendstel.

- Rig aansoek aan diane@diekerk.com
 - **Sluitingsdatum: 16 November 2025**
 - Die kerkraad behou die reg voor om 'n kortlys saam te stel vanuit die aansoek wat ontvang word.
- **Gemeente Namibkus** (wat Hentiesbaai, Swakopmund en Walvisbaai bedien) nooi 'n predikant of proponent van die Kerk om van **30 November 2025 tot 11 Januarie 2026** in die gemeente te preek en krisisgevalle te hanteer terwyl hul predikant met langverlof is. **Gratis verblyf** word verskaf vir die besoekende predikant en gesin in 'n ruim drievertrekwoonstel, en die gemeente sal 'n **reiskostebydrae** gee vir die reis na en van Namibië. Kontak **ds Leon Janse van Rensburg** so spoedig moontlik vir meer inligting by **+264 81 128 5169** of leonjvr@iway.na.

Vergaderings

- Donderdag 13 November Pensioenfonds
- Vrydag 14 November Raad van Finansies

Kerklike en ander publikasies

Nuwe publikasie

R290
(versending uitgesluit)

Bybelse Dagboek in GROOTDRUK

Inhoud identies aan die Bybelse Dagboek-gedeelte van die bestaande Dagboek en Almanak. Hierdie boek word slegs op aanvraag gedruk en daar is geen voorraad vooraf beskikbaar nie. Hou asseblief in gedagte dat daar 'n produksietyd is, so aflewering kan 'n paar dae neem.

R200
(versending uitgesluit)

Bybelse Dagboek en Almanak

Belangrike inligting oor die Hervormde Kerk én 'n inspirerende Bybelse dagboek in een omslag.

Bestel by boekwinkel@nhk.co.za

Nuwe publikasie

R160
(versending uitgesluit)

'N WOORD VIR ELKE DAG

'n Woord vir elke dag

Hierdie bundel bring al die **Gedagtes vir die Dag** saam – daaglikse oordenkings wat ontstaan het uit die **NHKA Bybelse Dagboek**.

Of jy dit daagliks lees, of af en toe daarin blaai – mag hierdie versameling vir jou 'n metgesel wees op jou geestelike reis.

Bestel by boekwinkel@nhk.co.za



- Die **Kerkkalender vir 2026** wat die afdeling Kerklike Kommunikasie vir gebruik in ons gemeentes voorberei het, is op die Kerk se webblad beskikbaar. Kry die kalender **hier** en die kalendervoorblad **hier**. Die kalender bevat inligting oor die kerklike feesdae, openbare vakansiedae, skooltermyne en spesiale geleenthede wat vir die hele Hervormde Kerk van belang is. Gemeentes kan hul eie gemeenteprogram daarop invul en die kalender in gedrukte formaat of elektronies onder hul lidmate versprei.

Hoeveel van u lidmate is weermagveterane?


Watter hulp bied die gemeente tans aan weermagveterane om konneksie met hulself en hul gesinne te vorm?

Met hierdie selfskryf nalatenskapsjoernaal word die neerpen van jou lewensverhaal vergemaklik deur:

- Inspirasieprikkelaars wat leiding gee sonder om voorskrywend te wees
- Digkuns en kunswerke deur veterane
- Gasspreker met gemeente-ondersteuningsgeleenthede wat die projek verduidelik

Joernale beskikbaar: R450 elk (R50 per boek word aan die gemeente geskenk)
'Memoires van 'n Soldaat', 'Memoires van jou Moeder'

www.memoirebooks.co.za



Kom kyk saam

- Die 74ste Algemene Kerkvergadering (AKV) het sitting geneem van 6-10 Oktober 2025. Kyk [hier](#) hoe predikante en afgevaardigdes bymekaar gekom het om saam te droom oor die toekoms van die Kerk! Klik [hier](#) om meer daaroor in die November/Desember-uitgawe van *Die Hervormer* te lees.



'n Gedig

Luister tog, Heer, en hoor my gebed
as ek laag voor U buig. U is al wat ek het.

Laat my ervaar dat U naby my is,
dat U steeds met my praat. U is al wat ek het.

Gee my weer hoop en stel my gerus
dat U steeds aan my dink. U is al wat ek het.

Laat my ervaar dat u liefde my dra
en dat niks ons kan skei. U is al wat ek het.

VONKK 106: 1 en 2

Fondsinsamelings

NHKA
NIEDERDUTSCH-HERVORMDE KERK VAN AFRIKA

SPUR UITEET-FONDSINSAMELING VIR KINDERSORG

'n Gesamentlike projek tussen gemeentes Pierneef GLO, Villieria en Derdepoort, waar ons jou hartlik nooi om saam te kom eet en kuier – terwyl jy terselfdertyd 'n verskil maak!

10% van elke rekening word geskenk aan die NHKA se Kindersorgfonds, en die eerste 40 besprekings ontvang 'n "Kiddies voucher" waarmee kinders, vergesels deur 'n ouer, 'n gratis maaltyd kry.

DINSdag, 25 NOVEMBER 2025

BURNING ARROW SPUR

08:00–21:00 (BESPREKING NOODSAAKLIK)

BESPREK **HIER**

BURNING ARROW SPUR
STEAK RANCHES
QUEENS CORNER SENTRUM



**'n Monsteruitdaging vir jou:
Ondersteun die Rata Ride for a Child-span**

Die Rata Ride for a Child-span durf die Munga-ultramaraton aan én die monsteromstandighede waarin talle kinders vasgevang is. Hulle mik om R1 miljoen in te samel – 1 000 mense of instansies wat elk R1 000 skenk – om Rata se werk teen mishandeling en verwaarloosing te ondersteun.



Rata
MAATSKAPLIKE DIENSTE



Annaljie van Wyk | Riaan Loots
MUNGA 2025 SOLO SPAN

Martin Meyer | Alphonso Theron | Chris Reyneke | Wouter van Wyk | Schaik Zaaron
MUNGA 2025 EQUIPE SPAN

Conrad Blything (Bestuurder)

- Die **Rata Ride for a Child**-span durf binnekort twee monsters aan – die Munga-ultramaraton vir bergfietsryers (**1 100 km tussen Bloemfontein en Wellington** van 26 November tot 1 Desember in **5 dae** deur die moordende Karoo) én die monsteromstandighede (verwaarloosing, mishandeling, molestering) waarin so baie van ons kinders vasgevang is. Sien jy kans om die Munga te ry en duisende kinders se veiligheid te help verseker? Of sien jy kans om die span en Rata te help om dit namens jou te doen? Om die monster van Rata se tekort aan inkomste te tem, wil die span R1 000 000 insamel – 1 000 individue of instansies wat elk R1 000 skenk.



Elektroniese betalings: Rata Maatskaplike Dienste MSW

ABSA tjekrekeningnommer: 020 600 209

Takkode: 632005

Verwysing: RataMunga2025 + Naam

Kredietkaart skakel: <https://pay.yoco.com/rata-social-services-npc>

Klik [hier](#) vir meer inligting.

Skandeer die Zapper-kode hiernaas met jou banktoep of Zapper om 'n donasie te maak.

Kikker jou kas op!

"das" nie iets beter nie...

Bestel vandag nog jou NHKA-das en wees trots deel van Hervormd-wees!

Bestel hier:

- Bestel by boekwinkel@nhk.co.za



Van der Hoff Teologiese Vereniging

**Slegs
R200**



- Dit is weer tyd vir **Gemeente Kampersrus Hoedspruit** se **basaarloutjies!** Daar is **meer as R45 000 se pryse** wat gewen kan word teen **slegs R100 per kaartjie!** Die pryse wissel van 'n heerlike harepamperlang ter waarde van R400 tot verblyf in Mosambiek vir ses persone ter waarde van R16 000.

Daar is twee maniere om deel te neem:

- Koop direk by Susan la Grange.
- Jy kan ook via WhatsApp jou kaartjie by 072 636 8001 (Susan) bestel. Jy sal 'n genommerde kaartjie elektronies ontvang. Betaal regstreeks in die bankrekening met jou lootjienommer as verwysing.

Bankbesonderhede: Nederduitsch Hervormde Kerk, Standard Bank, rekeningnommer 033358346, takkode 052752.

Die trekking vind op **30 November** plaas!

Toerusting

Kunsmatige Intelligensie (AI) in die Bediening
Dr Deon du Toit in samewerking met die HTK
Ontdek die krag van KI vir jou bediening

Hierdie is 'n reeks van vier interaktiewe aanlyn sessies waar ek informeel demonstreer hoe KI-hulpmiddels in die bediening benut kan word teen minimum koste.

Maandae om 19:00
17, 24 Nov; 1, 8 Des

Ons kyk onder andere na:

✓ Google Gemini Gens	✓ Maklike PowerPoints	✓ Skep kort video's
✓ Visualisering van teks	✓ Kletsbot vir leer-inhoude	✓ Hulpmiddels vir onderrig

R350 vir 4 sessies van 1 uur elk

Registreer hier:
<https://winkel.hervormdeteologie.co.za/product/ai-kursus/>

SkillsPro GROUP
Departement van Teologie in samewerking met die
NHKA
NEDERDUITSCH HERVORMDE KERK VAN AFRIKA

Diploma in Bediening
Deeltydse studies

Ten volle geakkrediteerde kwalifikasie: NQF Viak 6
SAQA ID: 96454; aantal krediete 379; 5 jaar deeltjys

Eerste Diplomaplegtigheid Feb 2025



Vier Ouderlinge en een lidmaat uit die NHKA

Toelatingsvereistes
Nasionale Senior Sertifikaat met toegang tot diplomastudies, of gelykwaardige kwalifikasie

"Hierdie kwalifikasie is veral geskik om lidmate, kerkraadslede en kategete toe te rus vir dienswerk binne en buite die kerk."

Inskrywings vir Februarie 2026 kan nou gedoen word.

Maak 'n verskil in die Koninkryk van God

Navrae: Dr Deon du Toit
E-pos: ministry@skillspro.co.za
Selnommer: 082 894 5751



- Op 19 Junie 325 nC is die eerste weergawe van die **Geloofsbelydenis van Nicea** amptelik aanvaar tydens die Konsilie van Nicea. Wêreldwyd vier kerke vanjaar hierdie gebeurtenis van 1 700 jaar gelede. Die HTK het 'n **inligtingsblad** geskep oor Nicea wat gemeentes kan help om Nicea op hul eie manier te herdenk. Klik **hier** vir die inligtingsblad. Dit is 'n dinamiese blad en word gereeld bygewerk met nuwe inligting.

Studentesake

IS JY IN 2026 'N MATIE?

Stellenbosch Hervormde gemeente wil jou graag ontmoet en ondersteun in die oorgang van hoërskool na studentelewe! Ons hou 'n aanvangskamp by die Jeugkampterrein net buite Stellenbosch, omring deur berge en wingerde.

Kontak ons vir meer besonderhede:

dr Chris le Roux
cleroux@mweb.co.za
079 495 3239

OF prop Elizabeth Rossouw
3erossouw@gmail.com
081 833 7022 (WhatsApp)
078 032 3910 (bel)

OF vul die kampbrief in en stuur hom vir ons: <https://tinyurl.com/ycwxzkuy>

Eerstejaar of senior, **almal** is welkom

25-27 JANUARIE 2025 OM 14:00 OP DIE 25STE, BY DIE KERKGEBOU **R400** PER PERSOON



- **NHSV Studieleningsfonds 2026.** Die NHSV beskik oor studielenings vir studente in enige studierigting. Slegs lidmate van die Nederduitsch Hervormde Kerk kwalifiseer vir die toekennings. Die aansoekvorm vir 2026 kan [hier](#) afgelaai word. **Die sluitingsdatum vir aansoeke is 15 Januarie 2026.**

Barmhartigheid

- **Machteld Postmus te Brooklyn** het tans eenhede beskikbaar in 'n rustige omgewing naby 'n winkelsentrum en kliniek.
 - Kamerfasiliteit beskikbaar by Riekie Boshoff teen R3 991 per maand.
 - Johannes Postmus: Eenmanwoonstel teen R4 641 en eenslaapkamerwoonstel teen R6 363 per maand.
 - Tweeslaapkamereenheid te koop teen R1 232 000 by Machteld Postmus.

Indien u belangstel om meer uit te vind of te besigtig, skakel **suster Sonja Stander** by **012 346 2418**.

- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:
 - Eenslaapkamer: R515 000
 - 1½-slaapkamer: R520 000
 - Tweeslaapkamer: R560 000
 - 1½-slaapkamer te huur teen R6 800 maandeliks

Kontak Salomie Stolz by 012 329 4313 (08:00-12:00) of 083 308 0520 (na-ure) vir meer inligting.

- **Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. 'n Deposito van twee maande huur is betaalbaar. Vir meer besonderhede, skakel Frik Rossouw by 082 830 6591.
- **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / manager@belfastrusoord.co.za vir meer inligting en tariewe.
- **Athalia Uitrek in Bloemfontein** bied verblyf vir en versorging van bejaardes en persone met gestremdhede. Daar is enkel- en deulkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / navrae@athalia.co.za / www.athalia.co.za.

Betaalde advertensies in hierdie nuusbrieff

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (Tekskennisgewings van gemeentes is gratis.) Indien 'n jpg-weergawe van die advertensie voorsien word, moet dit **15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan **mej Sanet du Plessis**, per e-pos na taal@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mej Du Plessis bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

Die koste is R250 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

Gebed vir die week

Almagtige Vader

Aan U kom al die lof en eer en dank van my hart toe.
U waak oor my lewensloop soos 'n pa oor 'n geliefde kind.
U leer my en wys my tereg.
U straf my in liefde wanneer dit nodig is.
U troos my en skenk my wysheid wanneer ek self nie weet hoe om verder te stap nie.
U oorlaai my met seëninge.
U skenk my die grootste van alle gawes: die ewige lewe saam met U.

(Uit: *Briewe aan God*, Lizette Murray, 2018)

